

驗方新編

中華民國廿三年

大字
校正
驗方新編

R922.93
1-3
上海沈鶴記書局印

驗方新編

凡例

- 一原編卷帙煩多艱於攜帶茲特刪繁就簡揀成善本又用楷書石印以便舟車庶取攜較為簡當
- 一近來沿海皆種洋痘百無一失故特詳其說於編原編所載種痘舊法不能萬全概從刪節
- 一咽喉要症急宜善治原編所載未盡純粹以精畧為刪節另增入寶氏各神驗方二十七條
- 一是編方多奇驗往往有尋常之藥而奏效甚神者尤望樂善君子按方製藥廣為流傳幸毋以淺近而忽之

卷一

頭部

面部

眉部

目部

耳部

鼻部

唇部

口部

舌部

齒部

鬚部

下頰

頸項

咽喉

卷二

肩部

手部

腋部

乳部

胸部

肋部

卷三

心部

肺部

各種氣痛

咳嗽

勞傷吐血

哮喘

卷四

脾胃

痰疾

三消

飲食積滯

噎膈附反胃嘔吐

呃逆

卷五

肚腹

痞積

蟲疾

蠱脹

脇部

背部

腰部

卷六

前陰

小便

淋症

遺精

卷七

後陰

大便

泄瀉

痢疾

脫肛

痔瘡

卷八

兩股

海底

腿部

足部

卷九

婦人科
調經附崩帶

種子

胎前

產後

雜治

卷十 兒科

雜治

驚風

痘症

痲症

卷十一

癰毒

癰毒諸症

癰毒雜治

癰毒諸方

陰疽

陰疽諸方

內科備用諸方

卷十二

急救凡吊頸割喉腹破腸出溺水凍死雷
急絞擊腰厥氣閉一切急症皆在此內

卷十三

人畜蛇蟲咬傷

湯火傷

跌打損傷

刊杖傷

銅鐵竹木雜物入肉

卷十四

中風

筋骨附皮膚病

傷寒

感冒風寒

卷十五

中暑

痧症

霍亂

瘧疾

黃疽

瘟疫

蠱毒

瘡癰

卷十六

諸血

諸汗

遍身搔癢

邪怪

奇病

藥物備要

雜治

卷十七

咽喉秘集

卷十八

痧症全方

頭部 ○偏正頭風 此症發時雖盛暑亦覺畏風痛不可忍用蕎麥粉炒熱加醋罨敷數次用布包裹勿令見

風冷則隨換日夜不斷有人患痛風十年不愈照此治之其病若失愈後鼻流黃涕數日從此斷根屢試神驗此治頭

風第一方也並治尋常傷風頭痛惟氣血及風火蟲痛不效 又方生大烏頭去皮切兩錢星連二兩共為末每服二

錢用薄荷七片鹽梅一箇煎水臨睡調服雖二十年頭風亦效或用生南星生烏頭等分為末葱汁調貼太陽穴亦可

又方硫黃一錢川椒取紅色者去子為末三分二味和勻鎔成小餅左疼塞左鼻清涕從右鼻出右疼塞右鼻正疼左

右俱塞清涕流盡即愈神驗 又方白芷二兩五錢真川芎甘草川烏頭半生半熟明天麻各一兩共為末每服一錢

食後服細茶薄荷湯下百藥不效者一服即愈效驗甚速 ○雷頭風痛 頭痛而起核塊或頭中如雷鳴者是也用

川芎白芷防風羌活天麻甘菊薄荷甘草等味治之如不見效用天麻升麻各一錢新荷葉一大張煎服或不省人事

用地膚子同生薑搗爛熱酒沖服取汗即愈 ○熱痰頭痛 瓜蔓一個牛蒡四兩焙共為末每用三錢食後酒沖服

忌食動風發熱之物 ○氣虛頭痛 春茶葉末水調成膏攤碗內覆轉用巴豆四十粒作兩次燒煙薰之曝乾研細

每服二分滾水沖下食後服 又方照前烏頭南星方最效 ○厥陰風火上衝頭痛 肝脈弦者是用消障救睛散

見目部治之神效肝脈不弦者不效 ○頭風目痛 製香附二兩藿香甘草各二錢共為末每服二錢滾鹽湯下

○終年頭是痛而非痛 此腎水不足而邪上沖作痛用熟地玉竹各一兩山茱肉四錢真山藥元參川芎當歸各三

錢五味麥冬各二錢水煎服服後頭痛甚至重二劑斷根屢試如神藥味不可加減稍有加減則不效有人患此數年

百藥不愈二劑而安永不復發真奇方也 ○腦後作痛 此風入腎經所致用熟地五錢真山藥炒雲苓當歸各三

錢炒芍二錢川芎陳皮炙草各一錢天麻錢半麻黃三分水煎服 ○頭腦鳴響狀如虫蛀名天白蟻以春茶子為末

別樣茶子亦可惟打油之茶子則不用吹入鼻中取效如不見效即照頭風各方治之 又方土茯苓煮猪肉食之神

效前後忌茶十日 ○頭腦暈眩 暈眩雖然小症大病皆起於暈眩眼目一時即昏花卒致猝倒而不可救者也宜

早治之用白朮半夏各三錢白朮當歸白芍熟地各一兩川芎茱肉各五錢天麻一錢陳皮五分水煎服數劑見效此

方名防眩湯。專治氣血之虛。不治頭痛之暈。蓋氣血足。則陰陽和。陰陽和。則邪火散。自不致於暈眩。多服數劑。受益無窮。不可因一二劑不能收功。便棄而不用也。又方。白菓二個。去壳。生搗爛。沖滾水。空心服。至重五服。即安。老年更效。

○婦人血風頭暈欲死。倒地不知人事。生蒼耳嫩心。陰乾。為末。每用一錢。酒調服。神驗。此物能通頂門。故易奏效也。○搖頭下血。此肝風甚也。用防風三兩。天花粉黃芪蜜炙。羌活白芍各五錢。犀角挫碎。甘草各二錢半。蛇脫炙。

赤釣藤麻黃各一錢。共研末。棗肉為丸。梧子大。薄荷湯下五十七丸。○腦痛。從腦頂上一股酸氣。由鼻孔流出。黃

水臭。不可聞。治法見鼻部鼻淵門。○腎氣上攻頭頂。不能轉動。大熟附子二錢。川椒二十粒。用麵塞滿椒口。內生

姜七片。水煎。加鹽少許服。○頭面有光彩發熱。他人之手近如火熱。葱汁五錢。酒調服。吐出如蟲。即安。○頭面腫

大。此名大頭瘟。自頸至頂。腫成一桶。咽喉閉塞。治法見卷十五瘟疫門。○頭上生瘡。如葡萄痛甚。參看卷一葡萄瘡

方。此名髮毛毒瘡。用黃柏一兩。乳香二錢半。共為末。槐花煎濃汁調作餅。貼瘡口。並用吳萸研末。醋調敷。兩足心即

愈。○頭頂結核如寡蛋響者。此命門火虧也。用寡蛋水酒煮老。每食一二個。酒送下。服之數十個自愈。又方。七製

固脂丸。見內外備用諸方。每服三錢。服至半月必愈。或用下頭頂白色腫塊治之必愈。○頭頂生白色腫塊。小兒

頭髮內生白色腫塊。名瘡瘡頭。多有誤認跌腫。漫不加意。及至高大作痛。方延醫治。庸醫以頭為首陽。誤用寒涼解毒。

是以潰爛者。內膿復瘡。增出者不一。殊未知此患色白。其膿不紅。乃陰寒虛弱之症。用小金丹。初起三服而消。已潰爛

者。服七丸而愈。外貼陽和解凝膏。大人患之。名曰髮疽。服陽和湯自愈。小金丹和各方均見陰門疽。又方。如愈而復

發者。用綠雲膏。見癰毒諸方。貼之最效。○頭頂生瘡。或紅或白。甚至紫黑色。其人喉有痰涎。或能言。或不能言。

此名劈腦瘡。瘡用木鼈子焙枯。存性三分。加頂上梅花冰片三四釐。共為末。吹入喉內。即吐出。而瘡亦愈。喉內無痰。色

不紅紫。或先白後紅者。仍照前小金丹各方治之。○髮中生瘡。如珠相染不已。此名劈腦瘡。瘡難治。急用生蘿蔔

搗爛。好醋泡透敷。此林屋山人經驗方。又方。內地飲見疔瘡門。一二劑外用菊花葉。搗融調蜜敷。或用燕泥散。見癰

毒痰門。數均效。○小兒頭面胎毒。浮水石煨成性。研為末。放碗內。重便調勻。用艾絨燒煙薰透。以裏面均帶黃色。

為妙。此方合用。林由開。此方雖十年不愈者。敷三五日必愈。並一切瘡毒。年久不愈者。皆可治。又方。白龍散。水牛屎曬乾。

燒枯存性燒太過不效搽患處即收水脫痂而愈並治痘後餘毒

○頭面紅癩

名曰石癩紫微花半茶鍾煮精肉

食之可保一年不生

又方洞天鮮草膏見癰毒諸方貼一日全消潰者貼之亦愈用連翹花粉赤芍銀花甘草車前

滑石澤瀉各一錢煎溫服即無熱毒之患男婦大小暑天宜服此林屋山人秘方也

又方大黃連志等分為末猪膽

汁調搽極效

又方黃柏真川連黃芩各等分研末醋調敷效

又方菊花葉搗汁調白密敷之用渣敷四圍留頭不

敷俟毒水流盡即消

○頭上軟癩軟癩愈而復發最難除根用枳壳一箇鮮者更佳又名臭橘子無鮮者用乾

枳壳蒸融攤冷用刺去勸以麪糊塗抹枳壳四圍合蓋癩上旁安一燈心以通膿水數日自愈愈後並無疤癩

又方生半夏生山藥各等分研末用葱頭搗敷此治初起甚效

又方猪頭上毛貓頭上毛各一撮燒灰雄鼠屎與一粒兩頭

尖者是共研末香油調敷雖數年不愈亦效

○頭上生瘡乾而無膿抱過雞蛋名鳳凰巢燒灰存性研極細末油

調搽

○千層瘡此瘡生在頭面好而復發生生不已故名千層俟破口時用新鮮橄欖核無鮮者用鹽橄欖核以

水煮去鹽味亦可燒灰和雞蛋油見癰毒諸方以鴨毛調敷

○禿頭瘡又名臘黎頭香黃散松香二兩為末入葱

管內用線扎定水煮融化去葱研末黃丹一兩水飛無名異一錢炒宮粉一錢輕粉三分炒共為細末香油調搽並治

頭面黃水瘡俱極神效

又方牛牙散見癰毒諸方敷之生肌斷根神效之至

又方白油膏見腿部膝瘡方貼之雖

多年不愈者亦效

又方先用刀將瘡刺破以熟蕎麵將頭面上四圍高敷之取一雄雞宰殺以熱血灌入頭頂數

日生肌而愈

○落頭疽俗名砍頭瘡此疽生在腦後由小而大係屬陰症斷不可服寒涼等藥倘醫不得法即癰

爛落頭而死大半係冤孽所侵即照卷十一陰疽各方治之並查看陰疽傳報見陰疽卷末為要

○頭角太陽生瘡

當日頭重如山二日即變青紫三日青至胸而死此症有因好服春方藥而生者有因食煎炒厚味而生者初起用

金銀花二斤煎湯飲數十碗方可少解其毒然必潰爛再用金銀花元參各三兩當歸二兩甘草一兩水煎日服一劑

七日始可收口又手腳指頭生瘡亦多不救亦可以此法治之

○太陽出血有人兩太陽挺起紅瘡用手抓破出

血如線不止用瘦猪肉一厚片貼之即止或用穿山甲尾上者佳炒研細末敷亦止內服元參地黃湯見內外備用諸

方即愈

○髮癩

多生耳後髮下寸許按之不痛用針刺破擠盡粉髮用生肌散敷之自愈

○髮落重生黑芝

麻梗柳樹枝各等分熬水洗頭髮易生而且潤婦人以此二味泡油搽頭更妙小兒髮洗之亦妙 又方旱蓮草又名
墨頭墨斗墨葉搗敷易生而多 烏鬚黑髮丹 見內外備用諸方服之鬚髮可以轉黑神效無比 頭腦內瘡

漸至髮落蘆薈苦練子各一錢為末吹入鼻內數次自愈

頭生白屑 瘡極難忍蘆薈末煎湯洗頭半乾時再

用蘆薈末搽上令入皮內用布紮緊數日即愈 又方王不留行白芷各三錢研末乾搽一夜梳去即愈 治癩子

神方 俗名髻髻治好後能長頭髮郁澄齋先生試驗傳出用米泔水加明礬花椒葱頭煎湯薰洗又用黃牛門

牙數枚醋泡炭火煨煉七次成炭研細末加熟礬少許亦研末用柏油調搽幾次即愈數十年來不發治腳痔亦用此

方甚效

治腦後神方

一名鼻淵白鵲鵲毛三錢擦生漆絲棉一塊如無絲棉即指漆布亦可二種係問漆匠鋪

買將一味放於瓦上焙脆存性共研細末入冰片少許令病人仰卧用筆管吹入不過三四次即愈此余患此症覓得

此仙方也用之除根病愈已三十年矣

面部

面上生瘡

急尋有壳蝸牛一二條查藥物備要便知搗融攤

紙上貼之即愈紙上留一小孔出氣初起用之神效 又方鹿角燒研猪膽調搽亦效

面上似疥非疥似癬非癬

若不急治延及遍身不救照上蝸牛方治之或照上鹿角猪胆方更效 又方鵲鴝鴝子糞胡桃壳即核桃熬湯

以絹帕灑湯熱擦即愈忘羊鵝魚蝦等物一月

面上粉刺

又名酒刺由肺經血熱而生發於面鼻如黍如粟色

赤腫痛破出粉汁用大黃硫黃等分研末以涼水調敷內服清肺熱藥自愈 又方輕粉黃芩白芷白附子防風各一

錢為末蜜丸每日洗面時多擦數次臨睡時又重洗面而擦之三日消痕滅跡或用下雀斑附子蛤粉方亦效 又方

紫參丹參黨參苦參沙參各一兩為末胡桃肉又名核桃搗融為丸梧子大每服三十九丸茶送下

面上雀斑

其色或黃或黑碎點無數由火鬱血分風邪外搏而成用時珍靈驗猪牙皂角紫背浮萍青梅櫻桃各一兩鷹屎白三錢

或鵝屎白亦可其研細末早晚用少許在手心內水調濃搽面上良久以溫水洗面至七八日後其斑皆去神效或用

好玉時時擦之久則自退

又方附子蛤粉茯苓白芷陀僧山奈各五錢共為末蜜調搽面上次日洗去其效並治酒

刺 抓破面皮

橄欖核磨水擦之即愈並無痕或用白糖搽之亦妙 又方生薑自然汁調輕粉搽之亦無痕跡

○玉容粉

治雀斑酒刺肺風酒糟鼻面上一切斑點菜豆一升荷葉餅二兩西乾骨石白芷白附子各五錢上水

片蜜陀僧各二錢共為細末早晚洗面擦之

○面上黑氣

半夏焙研米醋調敷不可見風自早至晚不計次數三

日後用皂角煎湯洗下即白

又方天門冬和蜜搗爛為丸日日洗面即白

○腮邊酸痛發腫

腮內酸痛名遍腮

用洞天鮮草嫩膏敷上次日即愈若病後兩腮發腫不作酸痛者名發頤用天麻白芷防風荊芥各一錢送服醒消丸

三錢而愈此林屋山人方也洞天醒消各方均見癰毒諸方

○腮頰穿爛

腮邊穿一小眼時發時愈名曰漏腮內

服荆防敗毒散見內外備用諸方外用夜合花樹皮煎水洗並用夜合樹皮搗融敷再用夜合花根煎濃湯時含口內

有人患此十年不愈照此治之收口斷根

○兩腮赤腫

俗名撐耳風又名疔腮用燈火燈心一根點油燒之在大

指二指之下手背微窩處燒一下左腮燒右手右腮燒左手半日即效如神或燒少商穴查鼻部鼻血第一方便知

又方皂角二兩生南星二錢糯米一合共為末姜汁調敷立效

眉部

○眉上生瘡

肥皂燒存性枯礬要燒透各等分為末麻油調塗先用白礬泡水洗盡

又方分別色之紅白

照癰毒陰疽各方治之

○眉爛毛落

此肝經受風所致用側柏葉去梗九蒸九晒磨末蜜丸梧子大每早晚服一

錢開水送下以愈為度外用兔絲子研末麻油調搽或茅屋上舊草燒灰麻油調搽亦可

○眉毛不生

黑芝麻花

陰乾為末以黑芝麻油泡之日搽數次自生

又方生旱蓮草又名黑頭墨斗墨東搗數數日即生

○眉毛搖動晝

夜不睡喚之不應但能飲食

大蒜二兩搗汁兌酒飲自愈

目部

雙目不明

後有增補替目神方凡雙目不明青光瞎眼腫人反背皆治黑豆一百粒黃菊花五朵皮硝六錢

水一鍾煎七分帶熱薰洗五日換藥再洗一年後可以復明平日忌茶並戒惱怒

又方雞胆一個入蜜半匙以線紮

住再入猪胆內挂房檐下通風不見日處二十一日去猪胆留雞胆先以人乳點患處潤之少刻用骨贅蘸雞胆點上

遍身透涼流淚出汗二三次即愈忌茶百日可將霜降後桑葉煎湯代茶飲並戒惱怒

○青光瞎眼

人望如好眼

自覺不見者是白羊子肝一副竹刀切片黃連一兩研末熟地黃二兩同搗為丸梧子大食後茶服七十九日三服崔

承元病內障畏有人以此方報德服之遂明

又方兔絲子補骨脂巴戟川牛膝枸杞肉蓯蓉各一兩共為末加青

鹽二錢用猪腰子一個切開半邊去筋膜入煎藥末一錢將線紮緊用陳酒蘸溫燒爛食之初起最效

○兩目忽然

兩目忽然

兩目忽然

兩目忽然

兩目忽然

兩目忽然

不見 取地上三尺下黃土攪水澄清洗之此葛仙肘後方也。○腫人反背 若眼珠已有白點便不驗密蒙花蟬

蛻白菊郁李仁石膏生草決明石決明甘草谷精草白朮各四錢百部二錢珍珠四分另為末以上共為末分量不可加減和猪瘦肉二兩搗爛煮服即發冷者其光必轉若光未盡轉再服一劑必愈愈後宜服鎮精丹一二劑。○鎮精

丹 石膏蟬蛻梔子槐花白菊花各一錢生地蒙花各二錢草決明錢半甘草五分煎服。○小兒腫人不正 小兒

因跌打損傷頭腦受驚以致腫人不正觀東則見西觀西則見東用石楠葉一兩甜瓜蒂七個藜蘆三分共研細末吹

少許入鼻孔通頂為度日吹三次並請名醫內服牛黃定驚平肝等藥自愈石楠有雌雄兩種若得雌石楠葉更佳

○兩目夜不見物 俗名雞豚眼此肝虛也黃蠟不拘多少溶汁取出入蛤粉相和得宜每用二錢以猪肝羊肝更妙

批開搽藥在內麻繩扎定水一碗同入銅器內煮熟取出乘熱薰眼候溫連肝食之日服兩次以愈為度其效如神

又方羊肝二兩煮熟點鍋底烟食二三次即愈鍋底烟以燒草者為佳燒煤炭者斷不可用。○風火眼痛 凡兩目

腫脹赤甚痛甚作癢多淚畏日畏風容易惹人鼻塞腦酸諸病皆是後列各方治之必愈但洗眼時務在帳內方可避

風即帳內脫衣揭被亦有風動俱宜留意若不謹避則不效也。○吹鼻散 鵝不食草五錢曬乾查藥物備要便知

真青黛川芎各一兩共為細末將藥少許嚥入鼻中或新白布泡水蘸藥約入鼻中亦可口含溫水以淚出為度數次必

愈兼散目中星翳。又方每日望井中周圍三遍能去火氣。又方黃丹和白蜜調敷太陽穴立效。又方青白蘆甘

石以能浮水面者為佳用童便泡一日夜越久越好炭火內燒紅再泡一日再燒一次又用川黃連水泡一日夜越久

越好炭火燒紅再泡一日再燒一次用一錢淨礪砂五分大硃砂四分真珠三分煨牙色梅花冰片製乳香查藥物備

要便知薄荷末各二分共為極細末研至無聲放舌上無渣方可用用清水以骨簪蘸藥少許點眼風火腫爛一切神

效。又方脂麻威靈仙何首烏苦參甘草石菖蒲各三錢共為細末每服三錢黃酒下此係武當山石刻仙方神效無

比兼治頭風目疾。又方苦參錢半五倍子一錢明礬薄荷荊芥穗各三分煎水臨睡時用綢絹輕輕避風洗之神效

之至。又方川連防風白菊花歸尾各一錢甘草銅葉各五分胆礬三分杏仁七個去皮尖打碎泡水蒸熟照前法洗

之甚效。○肝熱目痛

龍胆草一味用瓦器熬成膏點入眼內醫目具能點去雲翳下可平火

夏枯草二兩炒香附二兩醋炒生甘草四錢炒共為末每服錢半清茶調下數日即愈屢試如神夜間痛甚者更效此
觀音夢授方也 ○腎虛目痛 用甘州枸杞上好新紅者一斤用好酒浸一夜分作四起一起以川椒二兩拌微炒

一起以小茴香拌炒一起以黑芝蔴拌炒以上三起去拌者不用一起以淨青鹽二兩研末拌炒鹽藥即入外加當歸
頭生地白菊花白朮白茯苓各四兩共為末加四神丸每於午飯後開水服三四錢久則目如童屢試如神百無一失

○目昏多淚 生地熟地川椒去子閉口者不用各等分為末蜜丸梧子大每服五十九鹽米湯空心下兩月後目
如童子此呂仙方也 ○通治目疾諸方珊瑚紫金膏 白蘆甘石一兩以能浮水者為佳用童便浸七日用炭火硝

銀砂鍋內煨紅再入童便內浸十日曬乾研細末黃丹一兩滾水飛過三次曬乾研細末乳香沒藥各二錢俱入砂鍋
內加燈心四分微火炒出烟去燈心研細末海螵蛸二錢刮去皮甲微火炙過研細末真白礬砂二錢青鹽射香各五

分頂上牙色梅花冰片三分以上均研成細末合一處乳鉢研極細然後入射香冰片二味拌勻再研極細放舌上無
渣方可用蜂蜜熬成珠先用絹袋濾淨蜜渣夏老冬嫩春秋酌看老嫩之間將藥末調入蜜內用磁罐封固以蠟封口

不可洩氣此方治七十二種眼疾屢用如神雖十年不愈者亦效惟瞳人反背而驚散者不效 ○天賜膏 點眼目
障翳兗州朱秀才忽然不見物朝夕祈禱夢仙人張三丰傳授此方好煬硝一兩銅器鎔化入飛黃丹二分頂上梅花

冰片二分銅篸攪勻入磁瓶收之以蠟封口勿令洩氣每點少許其效如神 又方治目疾紅痛日久不愈慈仁選白
淨去壳研細去淨油不淨不效調白蜜用骨簪點眼內角即能退紅止痛效驗之至 又方治目赤腫痛數日不能開

者生薑一塊洗淨去皮用古銅錢刮汁點之初點頗痛點後即愈 又方治目赤腫痛用自己小便乘熱綢帕輕輕蘸
洗即閉目少頃此以真氣而退肝熱之法也小便頭尾不用 又方老能夜書每年九月二十三日用桑葉煎水洗目

一次至老永不昏暗且夜能看細書其妙無窮桑葉須五月五日六月六日立冬日採者為佳同黑脂麻等分蜜丸名
為扶桑丸能去風濕烏髮明目 ○兩目晝夜不閉 一婦因受驚嚇兩目日夜不合用郁李三錢酒煮飲之盡醉即

愈神效非常 ○小兒疳積瞎眼生翳 草決明四兩曬乾勿見火研末生雞肝不落水者將雞肝搗爛和決明末三
錢研勻加酒飯上蒸服 若腹脹如鼓加無美末一錢目翳腹大加雞內金更妙 又方火硝一兩硃砂三錢共為末

每用四分。不落水生雞肝一個。剖開入藥。扎定酒蒸熟。空心服。輕者一料。重者二料。翳膜推去半邊而愈。○珠目蟹珠。蛇蛻全者一條。馬尾勃一兩。皂角子十四枚。蟲蛙者切。不用可共入磁罐內。泥封固。燒紅。勿令出氣。候冷。存性。出火氣。研末。每服三錢。滾開水調下神效。○眼生蘿蔔花。用生蘿蔔一個。剉空。入生雞蛋白一個。包好。種土內。待開花。結子後。取雞蛋白。研細。加白蘆甘石。以浮水者。佳。照前紫金膏製法。用一錢。真熊胆五分。頂上牙色梅花冰片一分五厘。共為末。調蜜點。一日一次。七日全愈神效。○眼生星翳。白鹽少許。燈芯蘸點三五次。不痛。不礙。有效之至。或用葶薺槌碎。取汁。成粉。去渣。取粉。貼之。甚效。倘不見效。即照風火眼痛內吹鼻散。及前後治雲翳各方治之。無不愈也。○目中胬肉。紅筋。白膜。雲翳。諸症。消障救睛散。石蟹生研細。末連蒼各錢半。羚羊角草。決明。防己。充尉子。白蒺藜。各一錢。龍膽草。酒炒。木賊草。五分。甘菊。八分。水二鍾。煎八分。食遠服。此方能消。及一切紅筋。白膜。雲翳等症。立見功效。百無一失。並治厥陰風火上衝。頭痛。此王晉三所選秘方也。體虛者勿服。又方。用老麻雀糞。又名瓦雀。鉢中研細。以甘草水泡一夜。去水。與渣焙乾。和初生男孩乳。用燈芯點之。即消神效。男用雄麻雀糞。失而堅立者是。女用雌麻雀糞。圓而倒者是。又方。韭菜根洗淨。用橘葉外裏。男左女右。塞鼻中。過後即愈。屢試神效。又方。麝仁二錢。選白淨者。去淨油。青鹽一錢。猪胰子一兩。共搗爛。用骨簪點入。甚效。○眼中忽起努肉。此症不過半日。即遮白眼。一日即遮黑眼。用刀上鐵綉。滴涼水少許。篋子頭磨起鐵綉。水點患處。頻點頻開。○眼生紅子。有人白眼珠上生一紅顆。頃刻頭面皆腫。用真雄膽二粒。米大。開水調服。立刻平復。○目中流血。用四物湯加龍胆草。減半煎服。即愈。又婦眼中出血。如射。或沿鼻流下。月經流行。乃陰虛相火妄動之症。用當歸酒炒。生地酒炒。白芍黃連炒。黃柏知母炒。條芩炒。木通。側柏葉。紫胡。桃仁。去皮尖。紅花。各一錢。水煎。食前服。次日即愈。○眼中如有蟲行。癢不可忍。羌活。枯礬。礬砂。共研末。入口無渣。方合用。水調如米大。時將一丸。納入眼中。少頃。東湯洗下。○眼內生蟲。紅棗去核。用黑礬填滿棗內。入炭火內煨過。研為細末。再用朴硝。放砂鍋內熬煉。滴水成珠。取出候冷。不必研末。用棗礬末一二錢。朴硝五六分。一併和勻。開水對沖。露一夜。洗之。三五次即愈。○眼邊生蟲。覆盆子。葉為末。一錢。乾姜。燒灰。生礬。各五厘。枯礬一分。共研細。蜜調用。調片做膏。貼眼上一夜。揭起。蟲自粘在網上。次晚。又將肥猪肉切。貼眼上一夜。即愈。或

照後銅綠方更妙。○眼邊爛紅腫 名爛弦風眼用川連四五分銅刀切成米粒大先以茶拭盛斷艾絨約半盞

許。上以薄皮紙封盞口。先將其紙用針刺多孔。將黃連鋪勻紙上。用香火將艾燃引上用一盞蓋住約俟艾煙燼時方揭去蓋住之盞。取黃連十餘粒滴清水二三茶匙於飯上蒸過。用鴨翎掃搽患處。三日除根。如不見效。照後銅綠方治之。無不愈也。又方。鮮色銅綠三錢研末。以生蜜濃調塗粗碗內。用艾葉燒烟。將碗覆艾烟上薰之。須薰至銅綠焦黑為度。取起冷定。後以人乳調勻。飯上蒸過搽之。諸藥不效者。用此如神。百無一失。並治痘後風眼。○眼漏流濃 龍

胆草當歸各一錢為末。溫酒下。○小兒關睛 黑眼珠呆而不動者。是用真西牛黃五分。白附子泡肉桂全蝎炒川芎石羔各一錢。白芷藿香各二錢。共研末。蜜為丸。芡實大。每服一二丸。薄荷湯下。○眼邊忽然紅腫發痒。名偷針眼。背上膏盲穴第三節骨兩傍是有紅點。用針挑破即愈。如不用針挑。用燈芯一燒即愈。如不見點。用梳背頻頻刮之。紅點自現出也。又方。臭蟲血每日點數次。其效如神。○眼皮翻出。石羔五錢。煨。梔仁一兩。甘草三兩。稀荳蔻四兩。酒蒸晒乾。防風二兩。和酒微炒。共研細末。體壯者每服二錢。弱者一錢。小兒減半。白滾水送下。○白眼珠忽然盡黑。毛髮堅如鉄。能飲食而不能言。其形如醉。此血潰症也。用五靈脂二錢。研末酒冲服。○眼胞生珠生菌。堅凝不痛。黃丹五分。鯉魚胆汁和如膏。點三五次自消。又方。藥線見癰毒諸方纏之即落。又方。過江蜘蛛絲纏之即落。凡

蜘蛛牽絲搭過屋上者。謂之過江。又方。櫻桃核磨水搽之自消。眼胞痰核。此症生眼胞皮裏肉外。大者如棗。小者如豆。推之移動。皮色如常。硬種不痛。宜服化堅二陳丸。見癰毒諸方。外用生南星和醋磨汁。時時搽之。淺者數日即消。深者多搽數日。微微用指甲擠出白粉即愈。○眼珠無故湧出垂下。大便下血。亦有不便血者。名曰肝脹。羌活煎濃湯。乘熱先薰後服。即入。或用羌活燒烟薰之更妙。又方。新井水洗眼數次即入。又方。防風黃芩白芷川芎蒼

朮細辛生地甘草生薑棗子葱白水煎服。仰臥片時。眼珠自然收上。○眼珠暴出 淫羊藿威靈仙各一錢。水煎服。敷外用布包好。勿動。漸次腫消。痛定。乾則再換。如腫人未破。仍能視物。瓜以愈老愈佳。如無南瓜。用野三七葉數。或用生地黃浸酒搗數亦可。南瓜北人呼名倭瓜。又方。用牛口涎日點二次。避風即愈。○酒並熱物。又方。如火藥衝

○眼珠縮入 老姜燒熱。敷眉心即愈。○眼珠損傷 凡眼珠打出。或觸傷腫疼。或火泡冲傷。用南瓜瓢搗爛。厚

敷。外用布包好。勿動。漸次腫消。痛定。乾則再換。如腫人未破。仍能視物。瓜以愈老愈佳。如無南瓜。用野三七葉數。或用

生地黃浸酒搗數亦可。南瓜北人呼名倭瓜。又方。用牛口涎日點二次。避風即愈。○酒並熱物。又方。如火藥衝

眼欲瞎者。急用熱小便頻洗即愈。或用野三七葉搗敷更妙。忌酒並熱物。又方。如眼珠受傷突出。趕急揉進。用生猪肉一片。當歸赤石脂末少許。搽肉上貼之即愈。○箭頭入目。寒食餚糖即寒食所做米糖。無則不論何日所做米糖亦可。點入目。待其發癢。一拔即出。○蟾酥入目。紫草取汁點之即消。○泥沙入目。頂粗牛膝一段。約二寸長。本人自行嚼爛如泥。吐出搓丸塞於兩眼角。其流淚必多少。刻泥沙裏藥盡出。其目隨愈。左眼以牛膝口內右嚼。右眼左嚼。雖腫痛欲害。無不效。屢試如神。○塵芒入目。生藕汁滴入自出。○飛絲入目。好墨磨濃。用新筆蘸墨。

點眼角內。閉目片時。其絲自然成塊。用手輕抹即出。雜物入目。亦可治並可散翳神效之至。又方。凡諸藥不效。赤腫痛甚者。以滾水一杯。入食鹽少許。明礬三錢。將舌尖浸入水中片刻。其絲自己落水中而愈。○眼瞖成漏。凡眼下空處生癰。出膿流水不乾。日久成漏。諸藥不效者。以柿餅去皮。取肉搗爛塗之。十日全愈。○拳毛倒睫。眼毛顛倒捲縮刺目者是。木鼈子一個。去壳為末。綿裏鼻中。左眼塞右。右眼塞左。一二夜即愈。切不可將毛拔去。拔去重出。毛硬而更拳。將為終身之累。又方。五倍子為末。蜜調敷眼皮上。其睫自起。○眼中常見異樣禽蟲飛走。萊仁青箱子花。即草決明花。元明粉各一兩。共研末。每用二錢。滾水冲服。三次即愈。

耳部 ○兩耳聾閉。活鯉魚一尾。將腦髓取出。飯上蒸出油。滴入耳內。自然竅開。再用故紙一兩。先用水泡一夜。晒乾。再用黃柏二錢。煎水泡一夜。晒乾。再用食鹽二錢。加水泡一夜。晒乾。黑脂麻一斤。燒酒二斤。童便一斤。共煮乾。取出晒極乾。炒香。取故紙研末。不用芫蘇。以陳米醋為丸。菉豆大。每服二錢。用杜仲炒去絲。知母各一錢。煎湯送下。甚效。或服七製固脂丸更妙。見內外備用諸方。又方。活鼠一隻。破腹取膽。真紅色者是也。川烏頭一個。泡去皮。北細辛二錢。膽礬一錢。半共為末。以鼠胆和勻。焙乾研細。入射香一分。吹入耳中。口含茶水。日二次。十日見效。雖久聾亦愈。又方。甘草生地研極細末。胭脂包三分。日間塞耳。甘遂草烏研細末。棉花包三分。晚間塞耳。甚效。又方。北細辛末一錢。將黃蜡溶化為丸。如鼠糞大。以棉塞耳。一二次即愈。切戒怒惱。又方。真麝香一二分。棉包塞入。一日後。耳中如雷響。即通。屢試神效。○腎虛耳聾。聲响如風水。鳴如鐘聲。白毛烏骨雞一隻。甜酒四斤。煮食三五隻神效。又方。真川

椒用已豆。當蒲同研細。以松香黃蠟為丸塞耳。一日一換。初起者數日即通神效。又方。真磁石一豆大。穿山甲燒研。

式分用棉包裹耳口含生銀一塊耳中如風雨聲即通。○耳中時聞蟬蟻戰鬥之聲時聞時閉。此腎水虧極兼

怒氣傷肝所致用柴胡梔子白芥子各三錢熟地白芍萸肉各三錢麥冬一兩水煎服方中純是補腎平肝之聖藥飲之數日其聲漸息服至一月全愈。○耳閉不通又作痛。大田螺一個撥開蓋入射香五分自化成水滴入。○少

壯病後耳閉。南棗半斤桂圓四兩葱半斤此味後下煮服三五次自通忌鹽數日。○風木之舊耳脹欲閉。連蒼

二錢羚羊角薄荷桔梗苦丁茶夏枯草生香附各一錢黑梔皮一錢半水煎服。○胆火上鬱頭重耳脹目微赤。連

蒼牛子各二錢羚羊角薄荷梗桑皮各一錢丹皮錢半水煎服。○耳鳴耳痒。生烏頭一個乘濕削如棗核大

塞耳日換數次過三五日便愈不然久則成聾。○耳疳震耳纏耳停耳風耳。各症俱係耳內悶腫出膿但膿色不

一而名各異耳疳出黑色臭膿震耳則出青膿纏耳則出白膿停耳則出黃膿俱由胃濕與肝火相兼而成惟風耳則

出紅膿偏於肝經血熱俱宜用醬茹不宜多自然油滴之俟膿浮出再用核桃仁又名胡桃研細搥油去渣每油一分

兌冰片二分用少許滴耳內自愈風耳內服四物湯加丹皮石膏蒲餘症內服清肺瀉肝諸藥。又方新鮮白鯊魚腦

中枕骨燒紅候冷每兩加冰片一錢共研如灰麵細先用棉纖淨膿吹藥二三次即愈此林屋山人經驗方也。又方

用番木磨水滴耳內自愈。又方大人小兒耳內生疔出毒之後膿水久不乾或傷水濕在底停耳或膿臭穢之水

時出者用小麥粉以醋煎沸打如漿糊晚搽于耳前後留出耳上不搽以紙一張裂縫套耳蓋之免污枕被次早洗去

晚再搽不過三五次膿乾痊愈此法屢試屢效。又方青魚胆和冰片滴之即愈。又方蛇蛻燒灰吹入少許極效耳

內如有蟲奔或流血或乾痛難忍用之俱效。又方桑螵蛸一個燒存性射香一分研末搽入神效有膿先纖淨。又

方胭脂枯礬鐵絳等分為末吹之立效。又方蟲蛀竹灰加射香少許吹入極效。○耳內膿血腫痛有虛有熱其症

不一也甚至痛不可忍夜難安枕。用已上各方如不見效用韭菜自然汁灌入其效如神。○耳內膿血不乾。石

榴花斤瓦上焙枯研末加冰片少許吹入三四次即愈其如不必挖動聽其自然落為妙或用龍骨研末吹入亦可。

耳內有蟲膿血不止。雞蛋一個香油炒猪肝四五錢香油炒黑脂麻炒研一升同搗融微火烘暖布裏貼耳外血蟲

出盡即愈。○耳痔耳莖耳挺。耳痔形如櫻桃或如羊奶耳莖形類初生蘑菇頭大蒂小耳挺形如棗核細條而長

弩出耳外俱由肝經怒火腎經相火胃經積火凝結而成微腫悶痛色紅皮破觸之痛引頭頂用礪砂一錢輕粉雄黃各三錢冰片五厘研細末水調濃用谷草細梗咬細如毛蘸點患處並用梔子川芎熟石膏當歸牛子紫胡酒芍丹皮甘草各二錢黃芩黃連各五分水煎食後服自愈。○耳內生疔耳內生子痛如錐刺牽引腮腦亦痛破流血水人多作耳痛治之不知乃耳疔也急服蟾酥丸見癰毒諸方取其能發汗再用蟾酥丸水調濃汁滴耳內並服黃連消毒飲見同前立愈或照疔瘡各方治之亦可。○耳內生粒如棉子極痛名耳疔人指甲瓦上焙枯存性研末加牙色梅花冰片少許吹入極效。○耳內有核痛不可忍燒酒滴入側卧半時即可相出如不見效即照前耳疔各方法治之。○耳內如有蟲走或血水流出或乾痛難忍蛇退皮燒存性研末吹之立愈此經驗秘方也。○耳內耳外生瘡蚯蚓糞為末吹入或用蘇油調搽。又方黃柏五錢馬齒莧一兩為末敷之。○耳外濕瘡雞腰膏見癰毒諸方敷之其效如神。又方黃丹一錢松青八分輕粉一分枯礬一分共為細末香油調擦效。又方枯礬輕粉貝母銀硃共和勻蘇油調塗神效。○耳後蛇毒患發耳後又名耳後瘡宜別陽實陰虛治無一錯患色白者以陽和丸與二陳湯同煎服或以小金丹服消色如紅者醒消丸服消諸書不拘紅白概以元參牛蒡等藥治之即色紅者尚服不消倘色白者更遭其害矣南潯葉姓耳下並患惡核一被醫穿生管一大如盂以陽和小金輪服未潰者全消此林屋山人秘法也。又方南星燒存性為末醋調敷三次即愈不愈即用前方無不效也陽和諸方見癰毒陰疽各門。○耳下生瘡有人耳下生瘡其大如桃時出膿血數年不愈後用鉛粉搽之三日收功。○耳被挖傷金頭蜈蚣一條瓦上焙存性研末吹入立效。又方青魚胆一個紅花一錢元參生地各二錢蒸出濃汁灌入耳內即愈。又方冰片胭脂燒灰牡蠣煨粉共為末用骨簪點香油蘸藥末入耳內即愈。○兩耳脫落並治鼻落用人髮入瓦罐以鹽泥封固煨過為末急以所傷耳鼻蘸藥安放舊處再用老姜嚼融四圍厚敷用綢細定自安。○耳中有物不出用弓弦或用麻繩將一頭搓散用好魚膠粘着放耳內其物徐徐引出。○壁虎入耳雞冠血滴入即出。蜈蚣入耳生薑汁或韭菜汁灌入即出。又方炒肉放耳邊聞香自出烹雞更妙。○螞蝗入耳取田中泥放耳邊自出。○蜘蛛入耳生半夏末蘇油調塗耳門虫聞香自出。又方香油和雞冠血滴入即出。又方白洋糖又名白沙